

خزینہ اوراق

نمبر ۸

جمعه ابرتسی

تاریخ تأسیس
۱ مایس سنه ۱۲۹۷

عمومیتی اعتباریله فنونه دائر رساله ادبیه در

آیده درت کره اوله رق جمعه ابرتسی کونلری چیقار

پشان اطه سی - مابعد

سیام اها لیسنگ بر ربی اسلام اولوب باقیسی مجوسدر
(چاوچویش) یعنی حاشا کونک الهی دنیلان حکمدارلی دخی بو
مذهبده در. بونلرک عندنده ارککلرک والده و قزلندن ماعدا
بالمله نسا ایله تزوج جائز اولوب حتی شمیدی حکمدارک
زوجده سی کندی قز قزنداشیدر اندن بشقه ایکی یوز قدر دخی
زوجده سی واردر. سیام مملکتی اولدقجه مستحکم اولوب
نظام عسکری وجنک کیلری واردر علی انعموم اها لیس
جنک واردر.

سیام لیلر چینلیلر کی کدی وکوک وفاره و حتی ییلانه وارنجیه
قدر بلا استثنا کافه حیواناتی اکل ایدرلر وقادینلر صاچلرینی
کسوب ذکور و نسا دیشلرینی سیاهه بویارلر.

اول جوارده بولان بیوک مملکتلردن بریده (برما) درکه
فرانسزلر بوکا (برمائی) دیرلر بو دخی مجوس ایسده اها لیسنگ
تخمیناً بر ثانی اسلامدر و بونلر ضایت متدین ادملردر. اوراده
مسلمانلره (زیر بادی) دیرلر. برماتک پاتختی اولان (مندلی)
شهرنده التمش جامع شریف واردر. بو مملکتده سواحلی باشند

باشہ انگلیز دولتی تصرفندہ در . بر مقدار نظام اولوب عسکری
 حربہ ناظری دخی بر فرانسزدرد . بر ماملاکشدہ اعلا یا قوت چبقار
 رنکی ابو اولق ایچون بونلری بر مدت صو ایچندہ حفظ
 ایدرلر .

کذلک اول حوالیدہ واقع سینکاپور اطہ سنک عوما اہالیسی
 اسلام ومالایو جنسنددر والیوم انگلیز دولتک تحت تصرفندہ در
 مذکور جزیرہ محصولدار دکل ایسہدہ سفاین اوغراق
 مناسبتیلہ زیادہ جمعیتی وعادتا بر اوروپا شہری کچی معور اولمشدر
 بوندہ دخی پک چوق چینلی وھندلی وارددر .

سینکاپورک قارشوسندہ وکذلک انگلیز تصرفندہ ملاکہ نام
 محلاک دخی اہالیسی اسلامدر . بونک اتصاندہ جہر اسمندہ
 والی بیک قدر اہالیی شامل دیگر بر کوچک اسلام مملکتی
 وارددر کہ مستقلدر مہراجہ تعبیر اولنان حکمدارینک اسمی ابو
 بکردر . بوذات غایت عاقل ومدبردر ایکی کرہ اوروپائی
 سیاحت ایتمشدر .

آچین اہالیسی عوما اسلامدر . یقین وقتہ کلنجہ مملکتلرینہ
 سائر ملتدن کیمسہ بی قبول ایتمزلر ایدی احياناً دیگر طائفہدن بریسی
 اورایہ ایاق باصوب بر کیچہ بیلہ قالہجق اولسہ همان طوتوب
 سنت ایتمک عادتلری ایدی فقط یدی سکر سنہ دنبرو محل
 مذکورہ هولاندہ لولر مسلط اولوب الی یومنا هذا محاربہ دوام
 ایدیور . چین اہالیسی کذلک مالایو جنسندن اولوب کندولرینہ
 مخصوص شکل ولباس ولسانلری وارددر . چینک ایچرو
 طرفلرنده بر وحشی طائفہ وارددر کہ کلیاً چہلاق کزدرلر .
 انگلیزلر بونلردن بالدفعات بعض اشخاص طوتوب بر مدت

تربیه و تعلیم ایتدکدن والبسه کیمکه الشدیردقدن مسکرمه وطن
اصلیرینه اعاده ایتشله و بونلر همان مریشلرینک النندن
قورتلور قورتلز البسه لرینی اتوب همچنسلرینه اتحاق ایتدکلری
مروی و مشهوردر .

اول حوالی و بالخصوص جزایر بحر محیط اهایسنک اکثری
صائف الذکر مالایو جنسندن اولوب بونلر علی العموم قیصه
بویلدیر وارککلرینک صقال و بیکلری یوقدر و بر قاج تل
اولسه بیلدیر حال جنبه ایله یولزلر علما واختیارلر نندن نادرأ
بعضلری طوقمز .

فقیر و غنی هر بر مالا یونک مندیلی اوجنده کوشدن اولمق
اوزره اوج آلت باغلی اولوب بونلر دخی خلال وقولا قاشقی
وجنبردر هفتسده بر کره قولاقلرینی تمیرنتمک عادتلیدر .
بوکا پک اعتنا اولوب چینلی بربرلر اجرا ایدرلر و بربرلر
بوکا مخصوص بر چوق الات و ادوات استعمال ایلرلر مالایولر
یینده سورمه چکمک عادتق دخی پک شایعدر .

مالک مذکورہ نك هر طرفدنده بر مدتنبرو چینلور کون
بکون تکثر ایدوب اکثر صنایع و تجارتق اله المشلردر حتی
جاوده مسلمان قادیسلرله تزوج ایدوب بونلردن تولد ایدن
اوغلانلر بابالرینک و قزلر انالرینک مذهبده تابع اولورلر .

(منیف پاشا)